



573 (26/14)

1914-30

1311-12

12-13

1914 p

14-1622

0120-10

904

373 (հիշ. 7-7)
S-30

ԹԻՖԼԻՍԻ ՆԵՐՍԻՍԵԱՆ ՀԱՅՈՑ ԱԶԳԱՅԻՆ ՀՈԳԵԻՈՐ ԴՊՐՈՑԻ

Վերաստուգիչ Յանձնաժողովի գեկուցումը

Ե Լ

Հոգաբարձության բացատրությունը

19¹¹₁₂ եւ 19¹²₁₃ ՈՒՍ. Տ. Տ.

1210/15714



Թ Ի Ֆ Լ Ի Ս

Տպարան «Էսպերանտո» Երկր. 17.
1914

2386



39718-63

**ՆԵՐՍԻՍԵԱՆ ՀԱՅՈՑ ՀՈԳԵՒՈՐ ԴՊՐՈՑԻ ՎԵՐԱՍՏՈՒԳԻՉ ՅԱՆՁ-
ՆԱԺՈՂՈՎԻ 19¹¹₁₂ և 19¹²₁₃ ՈՒՍՈՒՄՆԱԿԱՆ ՏԱՐԻՆԵՐԻ
ՀԱՇԻԵՏԻՈՒԹԵԱՆ ԶԵԿՈՒՑՈՒՄԸ**

1914 թ. Ապրիլի 14-ին սկսեցին դպրոցի վերաստուգիչ Ցանձնաժողովի պա-
րապմունքները և յանձնաժողովս անմիջապես գործի անցաւ: Առաջին ժողովից յայտ-
նի եղաւ, որ պ. Ս. Շահվերդեանը հրաժարւել է, իսկ Գ. Սարեանը մի շարք ժողով-
ներից յետոյ իբրեւ պահեստի սպայ պաշտօնի կոչւելով, թողեց պարապմունքը, որով
յանձնաժողովս բաղկացած էր երեք անդամից՝ բժ. Տիգրան Թադէոսեանց, Առաքել
Աւագեանց և Հայկ Տէր-Աստուածատրեանց:

Ցանձնաժողովս Հոգաբարձութեան ներկայացրած 1911/12 և 1912/13 թ. թ. ձե-
ռագիր Տեղեկագիրը գտնելով ոչ վերջնական ձևով գրւած, որովհետեւ նրա մէջ կային
ուղղումներ և Հոգաբարձութիւնն էլ չէր ստորագրել, եւ վերադարձրեց վաւերացնելու
համար, սակայն Հոգաբարձութիւնը նպատակայարմար համարեց ապագրել, որը վե-
րաստուգման ենթարկւեց: Վերջին հանգամանքը պատճառ եղաւ մի առ ժամանակ
ընդհատելու պարապմունքները:

1 Դ Ո Ր Ժ ա վ ա ը ո լ թ ի լ ն

Ա. Դործավարութեան մէջ նկատելի հարցն այն է, որ 1911/12 օրագրի և ժուր-
նալի մէջ բացակայում են գործողութիւնների մանրամասնութիւնները, իսկ ընդհա-
նուր պատկեր ստանալու համար ցանկալի է, որ հաշւապահական գրքերում գործո-
ղութիւնները մանրամասնօրէն արձանագրւին:

Բ. Դիտելով օրգերների տետրերը, յանձնաժողովս գտաւ, որ հակառակ ընդուն-
ւած ձևի Հոգաբարձուի և հաշւապահի ստորագրած օրգերները, որոնք գանձապահին
ելքի և մուտքի հրաման են տալիս, մնում են գործերում, իսկ գանձապահի մօտ մը-
նում են այն կտրօնները, որոնց վրայ հէնց իր՝ գանձապահի ստորագրութիւնն է, ո-
րով վաւերացւում է վճարը: Կտրօնը պէտք է ծառայի իբրեւ փաստ իրական ելքի և

սկայա հրապարակի վրայ գտնւած իր № 64 տունը կտակել է զպրոցին, կտակակա-
տար նշանակելով Միքայէլ Սարգսիանցին: Հոգաբարձութիւնը հիմնելով հոգաբար-
ձու բժիշկ պ. Յովհաննէս Իգիթեանի բանաւոր զեկուցման վրայ որոշել է հրաժարել
այդ կտակից և կարճել գործը: Արդեօք Հոգաբարձութիւնը գործադրել է այդ կտակի
վերաբերմամբ բոլոր միջոցները:

III. Կալածների շահագործումը

Ա. Յանձնաժողովս մի առ մի հետաքրքրելով կալածքների շահագործման ման-
րամասներով, նկատում է, որ զպրոցը 1911/12 թ. կալածքների դատարկ մնալուց
փաս է ստացել 9947 ռ. 52 կ., 1912/13 թ.ին 14364 ռ. 24 կ.: Գլխաւորապէս դա-
տարկ է մնացել Աւ. Փիրոյեանի շէնքը, որ տւել է առաջին տարի 7055 ռ. և երկ-
րորդ տարի 11163 ռ. 86 կ. փաս:

Բ. 1911/12 թ. ունեցել ենք այնպիսի վարձույներ, որոնք իրանց համար սովո-
րութիւն են դարձրել չվճարել, ինչպէս օր. 20 կրպակներում Սարգսեան Մկրտիչ 18
ամիս վարձը չի տւել. շուկայի 18 կրպակներում՝ Կօլիաշվիլի, Կերվալիձէ, Բեջիա-
շվիլի, Զարգարեանց, Շախալով ամիսներով պարտ են մնացել: Շուկայի սեղանատեղե-
րը, որ մեծ մասամբ գնահատուած են 3—7 ռ. մեծ մասամբ ապառիկ են մնացել և
58 վարձաւորից երեք հոգի վճարել են կանոնաւոր: Ուշադրութեան արժանի է այն
հանգամանքը, որ կան վարձաւորներ, որոնք Թիֆլիսում յայտնի են իբրեւ ունեւոր և
մի շարք ֆիրմաների տէրեր, բայց վճարում են ոչ միայն անկանոն, այլ և գործը
մինչ իսկ դատարան է հասել: Այստեղից պէտք է եզրակացնել, որ ժամանակին չվճա-
րելը մի տեսակ վարակիչ հիւանդութեան է փոխւել:

Գ. Շուկայի սեղանատեղերի մէջ սարայ կոշւած տեղում № 2, 3, 4 և 5 տե-
ղերը տրւած են եղել ձրի՝ առաջինը Սարգիս Քոչարեանցին և վերջին երեք տեղերը
Սահակ Օրդոյեանցին:

Դ. Վարձաւորներից շատերը վարձագրքոյկներ չեն ունեցել: Վարձագրքոյկներ չեն
ունեցել Թիֆլիսի արհեստաւորաց վարչութիւնը, Տէր Աղէքսանդրեան Վաչէ, Զախա-
լեանց Արմենակ, Բրինձեան Կիւրեղ և այլն:

Այս տութիւ պէտք է նկատենք, որ Հոգաբարձութիւնը պարտաւոր էր միջոցներ
ձեռք առնել առանց վարձագրքոյկի չթողնելու վարձաւորին:

Ե. Տիկին Ե. Նազիրեանից գնւած և նւիրաբերւած հողի մասին Տեղեկագիրը
մանրամասնութիւններ չի տալիս, մինչդեռ այդ հողը բաժանւած է հոգաբարձիւնների
և վաղուց վաճառուած է. վաճառուից ստացւած է 1912/13 թ. 8610 ռուբլի:

Զ. 1911¹/₁₂ թ. ընթացքում ժամանակին չվճարելով անշարժ կայքերի գնահատման
տուրքը (ОЦЕНОЧНЫЙ СБОРЪ) 3329 ռ. 75 կ. և հողային հարկերը (НАЛОГЪ) 3470 ռ. 33 կ.
կալւածները ենթարկուել են սէկվէստրի:

Այդ մասին նախկին Վերաստուգիչ Յանձնաժողովը իր զեկուցման մէջ Հոգա-
բարձութեան ուշադրութիւնն է հրաւիրել միջոցներ ձեռք առնելու այդ բանի դէմ՝
պարտքի համար տուգանք—տուկոս (пеня) չվճարելու, որն խոստացել են կատարել,
սակայն կրկնւել է այդ և 346 ռ. 67 կ. տուգանք-տուկոս է վճարւել, որ միանգամայն
անփութութիւնից գոյացած մի կորուստ է:

Ը. Յանձնաժողովս ցանկալի է համարում, որ այսուհետև դատարկ մնացող բնա-
կարանների և խանութների համար ամսէ-ամիս մի տեղեկացոյց դրուի վաւերացրած
Հոգաբարձութիւնից, որը կարող է ապագայում ստուգութեանը մեծ դիւրութիւններ
տալ:

Երբ մի շինութիւն չի վարձուած իր բացարձակ թանկութեան պատճառով, պէտք
է իջեցնել գինը. այդպիսի մի լաւ օրինակ ունենք Աւ. Փիրոյեանի կտակած տան
նկուղը, որ տարիներով դատարկ է:

Ը. 1911¹/₁₂ թ. հեռացրած վարձաւորների ապառիկները հաշւեկշռում ցոյց են տը-
ւած 17,373 ռ. 19 կ. իսկ 1912¹/₁₃ թ. այդ գումարը դարձել է 24661 ռ. 63 կ.: Ան-
շուշտ այդ գումարի մէջ կան անյուսալի առնելիքներ, որոնք իւրաքանչիւր տարի
պէտք է մաս-մաս զեղջւեն: Զգանձւած վարձագինը 1911¹/₁₂ տ. վերջը եղել է 18760
ռ. 83 կ. որ անում է 3 ամսւայ վարձագին, 1912¹/₁₃ տ. ցոյց է տւած 18197 ռ. 03
կ.: 2 ամսւայ վարձագին. յանձնաժողովիս կարծիքով այդպիսի խոշոր գումարներ
վարձաւորների վրայ պէտք է չմնային:

IV. Դրամական շրջանառութիւն

Ա. Վերաստուգիչ յանձնաժողովս զանազան ժամանակներում ստուգել է 1911¹/₁₂
և 1912¹/₁₃ թ. թ. ծախքի օրդերները մէջ-մէջ, համեմատել դրամարկի հաշւի հետ,
յօդւածները ստացադիրների և օրդերների հետ, ստուգել է փաստաթղթեր՝ հաշիւներ,
յուշագիրներ, վարձացուցակներ և այլն և գտել է ճիշտ ու համապատասխան:

Բ. Զանազան պարտապաններից Աստրախանի թեմի եկեղեցիները պարտ են մը-
նացել 368 ռ. 28 կ., որ ցարդ չի ստացւել: Թիֆլիսի Նորաշէն եկեղեցու Ս. Մա-
րիամեան օրիորդաց ուսումնարանի Հոգաբարձութիւնը պարտ է մնացել 300 ռուբլի:

Գ. Հաշւետւութեան այդ երկու տարիների ընթացքում Աւ. Փիրոյեանի տան շի-
նութեան համար գրաւականով վերցրած օրիգացիաները վաճառւելով կուրսերի տար-
բերութիւնից առաջացել է 22,576 ռ. 32 կ., որ յետոյ աւելացւել է շինութեան ար-

ժէքի վրայ, որ իրականապէս ծախսած չլինելով պէտք է ցոյց տալ իբրեւ ֆւաս կամ մի գումար, որը պէտք է հանգուցւի ժամանակի ընթացքում Ա. Փիրոյեանի շինութիւնից ստացւած արդիւնքով:

Դ. Հաշվեմատեաններում ցանկալի է, որ օրիգաքիաները պահեն իրենց մանրամասն համարներով՝ ցոյց տրւեն լիտէրները, համարները և արժէքներն առանձին-առանձին, որպէսզի հնարաւոր լինի ստուգել: Յատուկ ընթացիկ հաշոււմ եղած բոլոր տոկոսաբեր թղթերի ցանկը և մանրամասնութիւնը, դպրոցի ունեցած պարտքը հնարաւոր չեղաւ ստուգել, որովհետեւ չնայած յանձնաժողովիս կողմից եղած մի քանի անգամ պահանջին չտրւեցան ցանկացած տեղեկութիւնները, որը Հոգաբարձութիւնը պէտք է ստանար բանկից պաշտօնապէս վաւերացրած:

Ե. Թէ ստացւած և թէ վճարելի տոկոսները նշանակելիս կարեւոր է յիշել գումարը, որից ստացւել են այդ տոկոսները և տոկոսի քանակը:

Զ. 19¹²/₁₃ թ. Հաշվեկշիռի մէջ ցոյց տւած կառավարութիւնից ետ ստանալի գումար 21,790 ռ., տարիներ շարունակ անփոփոխ կերպով մնում է և այդ առթիւ դիտողութիւններ եղել են նախկին Վեր. Յանձնաժողովի կողմից: Իրտելով գործը, յանձնաժողովս գտաւ, որ Հոգաբարձու պ. Յ. Ամիրխանեանը բանաւոր կերպով զեկուցել է, որ իր հաւաքած ստոյգ տեղեկութեան հիման վրայ Փոխարքայի դիւանատունը այդ գումարը ուղարկել է Էջմիածնի Սինօդին: Հոգաբարձութիւնը մի քանի անգամ դիմել է Սինօդին գրութեամբ, պատգամաւորութեան միջոցով դիմել է հանգ. Վեհափառ Կաթողիկոսին, բայց մինչև օրս պատասխան չստանալով Հոգաբարձութիւնը որոշել է զեղջել այդ գումարը: Յանձնաժողովս անհրաժեշտ է գտնում միջոցներ ձեռք առնել փաստային կերպով պարզելու թէ ճիշտեղ է այդ գումարը և ինչո՞ւ Սինօդ իբրեւ պաշտօնական հիմնարկութիւն չի պատասխանում:

Է. 1912 թ. է տեղի ունեցել գանձապահ Սողոմոն Ալիխանեանի գործած զրամական զեղծումը, որը իւրացրել է 4642 ռ. 46 կ.: Սոյն հարցը քննեց նախկին պատգամաւորական ժողովում: Հոգաբարձութիւնը դատի ենթարկելով նրան, ստացել է կատարողական թերթ:

Վ. Նախահաշիւի իրադրոժումը 1911/12 թ.

Ա. Ուսումնարանական ծախքերը նախահաշիւով ցոյց են տրւած 42527 ռ., ծախսել է 44277 ռ. 52 կ., ուրեմն աւելի 1750 ռ. 42 կ.:

Բ. Դիւանականը՝ աւելի 265 ռ. 20 կ.

Դ. Անշարժ կալուածների ծախսերը՝ աւելի 6748 ռ, 18 կ.

Դ. Կտակարարների կամքի կատարումը՝ աւելի 42 ռ. 28 կ.

Ե. Տոկոսները՝ աւելի 9807 ռ. 24 կ. և այլն:

Առհասարակ նախահաշիւի դէմ աւելի է ծախսւած 22,211 ռ. 75 կ. որը շատ մեծ տարբերութիւն է, թէպէտ նախահաշիւի դէմ դպրոցն ունեցել է աւելի մուտք 12,922 ռ. 75 կ.

ՎI Դ ա տ ա վ ա ը ու թ իւ ն:

Կալուածների վարձագների վերաբերեալ դատավարութիւնը առհասարակ շատ է ձգձգւում և կան գործեր, որոնք տարիներ են քաշում. օր. 1912 թ. նոյեմբերի 6-ին Արտաշէս Միքէլեանի դէմ դատ է սկսած, բայց մինչև այսօր չէ վերջացած: Նոյն ժամանակահատից դատ է սկսած Վլադիմիր Սվանիձէի դէմ (600 ռ.), մինչև այսօր ոչինչ չկայ: Արշակ Թեւանցի դէմ դատ է սկսած դեռ 28 յուլիսի 1912 թ. (2500 ռ.) և դեռ ևս կատարողական թերթ չկայ և այլն: Դատավարութեան դանդաղելը խանգարում է և վարձագրոյկների գոյութիւնը, որովհետեւ դատ բանալու դէպքում վարձագրոյկը յանձնւում է դատարան և վարձաւորը մնում է առանց դրքոյկի:

Յանկալի է արագացնել դատավարութիւնը:

ՎII Ուսումնական քաժիւն.

Ա. 19¹¹/₁₂ թ. դպրոցն ունեցել է տարւայ վերջը 445 աշակերտ, 19¹²/₁₃ ռ. 420 աշակերտ. յանձնաժողովս առանձին ուշադրութիւն է դարձնում այն հանգամանքի վրայ, որ այս տարիներում դպրոցն ունեցել է յարմար և ընդարձակ շինութիւն և հասկանալի չէ, թէ ինչո՞ւ այդքան քիչ է աշակերտութեան թիւը և ինչո՞ւ հետզհետէ պակասում է, քանի որ ծախքերը հետզհետէ աւելանում են:

Բ. Աշակերտութեան յառաջադիմութեան վերաբերեալ նկատելի է հետեւեալը. աշակերտութեան մեծամասնութիւնը թոյլ է եղել Հայոց լեզուից (38% և 37, 6%), ռուսաց լեզուից (37,8% և 41,6%), թւաբանութիւնից (26,1% և 28%), նաև գրաբար Հայերէնից, որ բարձր դասարաններում է աւանդւում (19,4% և 10%): Սա ցաւալի երևոյթ է ազգային միջնակարգ դպրոցի համար, մայրենի լեզուն այդ աստիճան թոյլ պէտք է չլինի: Այդ երկու տարիների ընթացքում 445-ից փոխել են 175 հոգի, որից աւարտել են 21 հոգի. 420 հոգուց փոխել են 155 հոգի, որից աւարտել են 17 հոգի. այստեղ ևս համեմատաբար յառաջադիմութեան քիչ արդիւնք է երևում և մօտ 60000 ռ. ծախսւող դպրոցից աւելին պէտք է պահանջել:

Գ. 19^{11/12} թ. յատկացրած է եղել դասադրքեր հրատարակելու համար 880 ռուբլի. գումարը վճարել է գասագրքերի տպագրութեան համար և չէ յիշատակւած թէ ինչ դասագրքեր են տպագրւած, ունի է վճարւած գումարը: Յանձնաժողովս կարևոր է համարում գասագրքերի տպագրութեան գործը, իբրև կարևոր հասարակական մի գործ, դնել աւելի լայն հիմունքների վրայ (յայտարարութիւն, մրցում և այլն):

Դ. «Օժանդակութիւն չքաւոր աշակերտներին» վերնագրի տակ մէջ է բերւած նւիրաբերութիւնների մի ցուցակ 850 ռուբլու, որից 150 ռուբլի չի մտել դպրոցի ընդհանուր դրամարկղը, որով ոչ ելքի և ոչ մուտքի յօդւածները գոյութիւն չունեն ընդհանուր հաշւեմատեանում (տ. տ. Մաղաթեանից և Ղուկասեանից 50 ռուբ., տ. Զաւարեանից 25 ռ., պ. Ն. Աբէլեանից 25 ռ. և Ներ. դպ. չքաւոր աշակ. նպաստ. ընկ.-ից 50 ռ.):

Յանկալի է, որ բոլոր նւիրաբերութիւնները մտնեն ընդհանուր դրամարկղ և այնտեղից տրւեն ծախսելու:

Ը ն դ հ ա ն ու ը ղ ի տ ո ղ ու թ իւ ն ն ե ը .

Ա. Առ 1-ն նոյեմբերի 1914 թ. Առևտրական բանկի յատուկ ընթացիկ հաշուով № 422 դպրոցի պարտքն է համաձայն հաշւեմատեանների 71,159 ռ. 15 կ., որի դէմ դպրոցն ունի բանկում տոկոսաբեր թղթէր նօսինալ արժողութեամբ 149,200 ռուբլու: Կուրսերի բարձր եղած ժամանակ երբ դպրոցը կարիք չունէր փողի, եթէ վաճառէին դպրոցական տոկոսաբեր թղթերը 68000 ռուբլու, այն ժամանակ դպրոցը ստիպւած չէր լինի բանկին վճարել այն խոշոր տոկոսը՝ 8¹/₂—9-ը, որը ներկայումս վճարւում է: Յանձնաժողովս առաջարկում է տոկոսաբեր թղթերի կուրսը բարձրանալու դէպքում վաճառել այդպիսիները և պակասացնել յատուկ ընթացիկ հաշւի պարտքը:

Բ. Յանձնաժողովս վերջացնելով իր խօսքը ուրախութեամբ պէտք է արձանագրէ հասկեալը:

1. Դպրոցիս մեծ բարերար հանգուցեալ Աղէքսանդր Մանթաշեանի հաշուով կառուցւել է դպրոցի հոյակապ նոր շէնքը, որի համար հանգուցեալ բարերարը տւել է 280.000 ռուբլի:

Մեծ բարերարի որդին՝ մեծարգոյ պ. Լեոն Մանթաշեանը իր և իր եղբայրների կողմից նւիրաբերել է 92000 ռուբ. շինութիւնը վերջացնելու համար. բացի այս մեծ բարերարի որդու պ. Լեոն Մանթաշեանի միջոցով Ա. Մանթաշեանի որդիներից 20,000 ռ, դպրոցի շարժական գոյքը դնելու համար. ուրեմն ընդամենը 392000 ռ., որից հաշւետութեան տարւայ ընթացքում ստացւած է եղել 352500 ռ., իսկ մնացածը ստացւել է յետոյ:

2. Դ. Ի. Առաքելեանի ժառանգներից Հոգաբարձութիւնը ձեռք է բերել երկու տուն, մէկը Վազգայնայա փողոցում և միւսը Բենբութեան փողոցում, որով կատարւել է մի շահաւէտ գործ և իրագործւել է հոնգուցեալ Ն. Մ. Յակոբեանի կտակը:

3. Շուկայում դատարկ գետնի վրայ շինւած է նոր փուռ, որի վրայ ծախսւած է 2721 ռ. 59 կ. և բերում է վարձ տարեկան 720 ռուբլի:

4. Գնւած է Շահմուրադեանի տունը Վանքի փողոց փողոցում 7085 ռ. 76 կ. արժողութեամբ, որը պարտք ունի 2538 ռ. 66 կ. իրրև Շուկան ամբողջացնող մի հողամաս:

5. Շուկայի եկամուտը զգալի և խոշոր չափով աւելացել է և ներկայումս տեղագների կիրառնորեայ մուտքը ամսական հասնում է մինչև 400 ռուբլու, իսկ բուդկաների և առևտրասեղանների վարձագինը ստացւում է 593 ռ. 50 կ.: Այս հանգամանքը պէտք է վերագրել կալւածները կառավարելու այն հսկողութեանը, որ ունի Հոգաբարձութիւնը յանձին կալւածների նոր կառավարչի:

6. Ներկայումս վարձագրքոյկները պահւում են կանոնաւոր, կալւածների վարձագները որոշ չափով բարձրացել են և գանձւում են աւելի կանոնաւոր, քան նախորդ տարիներում և այսպիսով կալւածների եկամուտն էլ զգալի չափով աւելացել է:

7. Հաշւապահութիւնը տարւած է կանոնաւոր:

ՆԱԽԱԳԱՀ ՎԵՐԱՍՏՈՒԳԻՉ

ՅԱՆՁՆԱԺՈՂՈՎԻ՝ Բժ. Տ. Թաղէոսեան

ԱՆԴԱՄՆԵՐ՝

Ա. Աագեան
Հ. Տէր-Ատուածատրեանց

Թիֆլիս
4-ին Նոյեմբերի
1914 թ.

ՆԵՐՍԻՍԵԱՆ ՀԱՅՈՅ ՀՈԳԵՒՈՐ ԴՊՐՈՅԻ ՀՈԳԱԲԱՐՁՈՒԹԵԱՆ
ԲԱՅԱՏՐՈՒԹԻՒՆԸ ՎԵՐԱՍՏՈՒԳՈՂ ՅԱՆՁՆԱԺՈՂՈՎԻ
ՁԵԿՈՒՑՄԱՆ ԱՌԹԻԻ

1. Գ Ո Ր Ժ ա Վ ա Ր Ո լ Թ Ի Լ Ն

Ա. Հաշլապահական մատեաններում գործավարութեան բոլոր գործողութիւնները արդէն արձանագրուում են 1913/14 ուսումնական տարւանից:

Բ. Օրդերների վերաբերեալ յանձնաժողովի արած դիտողութիւնները արդէն կա-
տարւում են 1913/14 ուսումնական տարւանից:

Այն բացը, որ յանձնաժողովը նկատել է օրդերների արմատների վերաբերմամբ
ու կվերացւի:

Գ. Յանձնաժողովի զեկուցման գ. կէտում արած դիտողութիւնը ձեւական տեսա-
կէտից մի բացառիկ դէպք է, որ սակայն փաստ չէ պատճառել դպրոցի շահերին: Պայ-
մանագրքայիններում անշուշտ հարկաւոր էր գրել զանազան ժամանակներում ստաց-
ւած վարձագները առանձին-առանձին: Այդ բացը վերացւած է 1913/14 ուսումնական
տարւանից և ստացած վարձագները գրւում են պայմանագրքայիններում իր ժամանակին:

Դ. Փիրոյեանի շէնքի կառուցման գործերը տարւած են կանոնաւոր: Այդ գոր-
ծերում կցւած են բոլոր փաստաթղթերը ժամանակագրական կարգով: Իսկ եթէ մի
կամ երկու գործում սխալմամբ թղթերը կարւած են եղել ետ ու առաջ, դրանք պա-
տահականութեան արդիւնք են:

II. Կ տ ա կ ն ե Ր

Ա. Կտակների համար Հոգաբարձութիւնը կազմած ունի մի մատեան, ուր կա-
րելի է մանրամասն ծանօթանալ կտակների բոլոր կէտերի հետ: Էֆէնդեանի կտակով
օրիորդների ամուսնութեան համար վիճակով ընկած գումարները հաշլապահական
մատեաններում ցոյց են տւած չվճարած այն պատճառով, որ այդ գումարները տըր-
ւում են նրանց միմիայն ամուսնութիւնից յետոյ, որի համար քահանաները որպէս
ապացոյց ներկայացնում են ամուսնութեան վկայականեր:

Օրիորդներին չվճարած գումարները չի կարելի յատկացնել չքաւոր աշակերտներին օգտին, այն պատճառով, որ եթէ մի քանի տարի անցնելուց յետոյ օրիորդները ներկայացնեն իրենց ամուսնութեան պատշաճաւոր վկայականները, Հոգաբարձութիւնը պարտաւոր է վճարել նրանց վիճակած գումարները:

Նունէ Եւանգելեանի հոգեհանգստեան համար յամկացրած 75 ռ. գործադրուած է համաձայն կտակի: 1911, 1912 և 1913 թւականների հոգեհանգստեան 225 ըուր-լուց վճարւած է քահանաներին ժամոցադրամ 90 ռ.: 75 ռ. պահւած է չքաւոր աշակերտների օգտին, իսկ մնացած 60 ռ. գործադրւած է նոյն տարիների յայտարարութիւնների տպագրութեան և այլ գանազան ծախսերի համար:

Բ. Հոգաբարձութեան գլխաւոր հոգսերից մինն է եղել լրացնելու անձեռնմխելի գումարները: Սակայն որոշւած է նախ՝ հանգցնել դպրոցի անցեալ տարիների դեֆիցիտը, ապա լրացնել կտակարարների դրամագլխի թէ 5% խնայողութեամբ և թէ դպրոցական հոգերի վաճառումից գոյացած գումարներով:

Գ. Մինչև 1912/13 ուսումնական տարում հաշւապահական մատեաններում պատահական ստացւած նւիրադրամները գրւած են կտակարարների դրամագլխի տոկոսների հաշւում, իսկ այնուհետև այդպիսի գումարների համար պահուում են առանձին հաշիւներ:

Դ. Կտակարարների դրամագլխից ստացւած տոկոսների մնացորդը 1164 ռ. գործադրւել է հետեւեալ տարում, որից յետոյ դրամագլխի մնացել է անփոփոխ:

Ե. 1908 թւին հանգուցեալ Սարգիս Քոչարեանը դպրոցին կտակել է մի տուն, որ գտնւում է VII քաղաքամասում Դէսիմոնովսկի հրապարակի վերայ: Կտակակատար կարգել է իր եղբոր փեսայ— Միքայել Սարգսեանին: Չնայած Հոգաբարձութեան բոլոր ջանքերին ու ձեռք առած միջոցներին, կտակակատարը ոչ մի կերպ չի համաձայնուում յանձնելու տունը դպրոցին, որովհետև հանգուցեալը լինելով նրա պարտապանը, ձեռքին ունի 30 հազար ըուրլու կատարողական թերթեր: Հոգաբարձութիւնը նկատի առնելով այդ հանգամանքը, համարել է կտակը անյուսալի և գործը կարճել:

111. Կալւածների շահագործումը

Ա. Քանի որ այն ժամանակ Փիրոյեանցի կալւածքը նոր էր կառուցւել, ուստի դատարկ կրպակները տրւում էին վարձով հետգհետէ: Այժմ այդ շէնքում բացի մէկից դատարկ կրպակներ այլևս չկան:

Բ. Հոգաբարձութիւնը իւր ժամանակին չվճարող վարձաւորների դէմ դատ է սկսում: Սակայն շրջանային դատարանում գործերը այնքան դանդաղ են ընթանում, որ շատ անգամ դպրոցի դատաստանական գործերը տեւում են ամիսներ, նոյնիսկ տարի:

Գ. Որովհետև շուկայի սարայներում այն ժամանակ գտնւելիս են եղել կալւածների վերանորոգութեան և Փիրոյեանի նոր շէնքի կառուցման փայտեայ և թիթեղեայ նիւթեղէնները, ուստի և այդ տեղերը ձրի տրւած են եղել վարպետներ՝ Սահակ Օրդոյեանին և Սարգիս Քոչարեանին, որոնք պատրաստել են փայտեայ և թիթեղեայ պարագտներ՝ թէ Փիրոյեանի և թէ միւս շէնքերի համար:

Զ. Կալւածների հարկերը իւր ժամանակին չվճարելու պատճառը եղել է ոչ թէ անփութութեան արդիւնք, ինչպէս մասնաժողովէ է շեշտել, այլ դպրոցի անտեսական կացութիւնը հնարաւորութիւն չէ տւել, որովհետև, դպրոցը զրկւած է եղել Փիրոյեանի կալւածքի տարեկան մօտ 13000 ռ. եկամտից, այնտեղ նոր շէնք կառուցանելու պատճառով: Իսկ շուկան, որ նոր էր սկսել առևտրական կենտրոնատեղի դառնալ, համարեայ եկամուտ չէր բերում: Այդ խոշոր բացերը զգալի չափով ազդելով դպրոցի բիւջէի վրայ, Հոգաբարձութիւնը անկարող է եղել ընթացիկ ծախսերը հոգալուց յետոյ վճարել իւր ժամանակին և կալւածների հարկերը:

Է. Դատարկ կրպակների վերաբերեալ Հոգաբարձութիւնը ունի որոշում, որով անտեսական կառավարիչը ամեն նիստի դրաւոր զեկուցանում է, թէ ո՞ր կրպակը երբ է դատարկւել և ո՞րը երբ վարձով տրւել: Այս մասին կազմւում է արձանագրութիւն և պատուէր տրւում հաշւապահին հաշւապահական մատեաններում նշանակելու:

Ը. Անցած տարիներից առաջացած ապառիկ գումարները քննւում է Հոգաբարձութեան կողմից ընտրւած ֆինանսական մասնաժողովը բազմակողմանի կերպով: Անյուսալի ապառիկ գումարները դուրս է հանւում հաշիւներից որպէս կորուստ, իսկ յուսալի ապառիկները գանձելու համար ձեռք են առնւում միջոցներ:

VI. Դրամական շրջանառութիւն

Բ. Աստրախանի թեմի եկեղեցիների վերայ մնացած 368 ռ. 28 կ. ապառիկ գումարը ստանալու համար ձեռք են առւած հարկ եղած միջոցները: Նորաշէն եկեղեցու Մարիամեան օրիորդաց դպրոցը վերաբացւելուց յետոյ, դպրոցին Հոգաբարձութիւնը վերադարձրել է այդ դպրոցին հանգուցեալ Իզմիրեանի կտակած տունը, որի վրայ ծախս էր արել 500 ռ.: Այս պարտքի գէմ Մարիամեան օրիորդաց դպրոցի Հոգաբարձութիւնը ստորագրութիւն է տուել, որով պարտաւորւել է 5 տարւայ ընթացքում հանգցնել: Այդ գումարից 200 ռ. արդէն ստացւել է, իսկ 300 ռ. մնում է ստանալի:

Գ. Առևտրական բանկին երկու անգամ պաշտօնապէս գրւած է եղել ուղարկել վերաստուգող յանձնաժողովի համար նոյն բանկի դպրոցական յատուկ ընթացիկ հաշւում եղած տոկոսաբեր տոմսերի ցանկը և ցոյց տալ դպրոցական պարտքը: Բանկը այդ բոլոր տեղեկութիւնները հաղորդել էր միայն այն ժամանակ, երբ արդէն վերաստուգող յանձնաժողովը վերջացրել էր իր գործը:

Զ. 1908 թվին Հոգաբարձութիւնը Փոխարքայի ղեկնատանից տեղեկացել էր, որ կառավարութեան մօտ գտնւած եկեղեցապատկան գումարները ուղարկւած են Ս. Էջմիածին: Այդ գումարների մէջ կան և դպրոցապատկան 21790 ռ.: Հոգաբարձութիւնը բազմիցս գիմել է Ս. Էջմիածնի Սինօթին վերադարձնելու յիշեալ գումարը, սակայն պատասխան չէ ստացել: 1913 թվի նոյեմբեր ամսին երբ այդ հարցը նորից քննութեան առնւեց, Սրբազան նախագահը բացատրեց, որ այն ժամանակ հանգուցեալ Խրիմեան կաթողիկոսը ստանալով Փոխարքայի ղեկնատանից հայոց բոլոր եկեղեցապատկան գումարներից միմիայն 12,000 ռ. ըստ իր բարեհայեցողութեամբ բաշխել է աւելի կարօտ եկեղեցիներին: Հոգաբարձութիւնը նկատի առնելով Սրբազան նախագահի յայտարարութիւնը, որոշել է 21790 ռ. համարել կորուստ և այս մասին գեկուցանել պատգամաւորական ժողովին:

Վ. Նախահաշւի իրազործումը

Ա. Հոգաբարձութիւնը առհասարակ նախահաշւի սահմաններից դուրս է գալիս միմիայն այն դէպքերում, երբ տարւայ ընթացքում անակնկալ կերպով առաջ են գալիս անհրաժեշտ ծախսեր, որպիսին բնականաբար չէ կարող նախատեսել նախահաշիւը կազմելիս:

ՆԱԽԱԳԱՀ՝

Մեսրոպ եպիսկոպոս

ՀՈԳԱԲԱՐՁՈՒԹԻՒՆ ԱՆԴԱՄՆԵՐ

Յ. Ամիրխանեան
Գ. Գարդիշեան
Յ. Իգիթեան
Գ. Կաֆեան
Ն. Կաճկաճեան
Ս. Լիսիցեան
Հ. Մէլիքեան
Բ. Յովհաննիսեան
Ա. Պապովեան
Յ. Սէյլանեան
Ն. Տիգրանեան
Լ. Քալանթարեան

ԳՈՐԾԱՎՈՐ՝ Գ. Աստուածատրեան



481

809 L

ՀՀ Ազգային գրադարան



NL0231893

52 119

APM.

4-162a